



Siunnersuut uunga: Namminersorlutik Oqartussat pigisaannik sillimmasiisarfimmik pilersitsinerup iluaqutissartai aammalu aporfissarisinnaasaasa misissorneqarnissaanik, ilanngullugu pilersitsinerup suut piumasaqaatitariumaagai, soorlu aningaasartuutissat aammalu sulisussat pillugit Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Anthon Frederiksen, Partii Naleraq)

(Siullermeerinnineq)

Demokraatini isumaqarpugut, Namminersorlutik Oqartussat niuernernut isumalluarnarpasissunut akuleruteqqissanngitsoq maannakkut pioreersut saniatigut.

Ajoraluartumik takusareerpagut pisortat unammilleqatigiinnermik innarleeqattaartarnerat aamma ingerlatseqatigiiffiit "unammilleqatigiinnermut assigusumik" ingerlanneqartut takoreerpagut unammilleqatigiinnermut assigusumik ingerlanneqarneq ajortut.

Isumaqarpugut Namminersorlutik Oqartussat tamakkiisumik ingerlattiinnartariaqaraat mannakkut ingerlatseqatigiiffiit pigineqareersut qularnaarlugulu ingerlatseqatigiiffiit imminnut napatissinnaanngitsut aamma inuiaqatigiit aningaasarsiornerannut ikorfartuutaanngitsut annikillisarneqarnissaat immaqalu aallaat matuinnartarnissaat.

Ullumikkut sillimmasiisarfimmik peqareerpugut ingerlataminnut tunngatillugu immikkut ilisimasaqartunik, ilisimasaqartunik ataatsimillu ukkataqalersartunik ikittunnguillu Kalaallit Nunaanniilersimasut, periarfissaqartariaqarpugut eqqissillutik niuerfimminnik ineriartortitseqqinnissaminnut.

Naalackersuisut uani suliami isumaqatigilluinnarpagut ilaatigut erseqqissarmassuk inuussutissarsiortunut namminersortunut unammillissanngitsugut ajornanngippat aamma namminersortunit pigineqartunik ullumikkut atukkatsinnik sillimmasiisarfeqanngitsuugutta akiligassarpassuaqassagaluarpuq assigiinngitsorpassuarnik, toqqaannartumik Landskarsimit akilerneqartartussanik taamaasilluta aningaasaqarnerput sulii patajaannginnerusumik ingerlalersimassagaluarpoq, ukiumiit ukiumut aamma qaammammiik qaammammut.

Taakkuupput sillimmasiisarfiit aningaasarsiorfiit; isumannaallisaanermut sillimmasiisarpugut ajutuussagaluarutta aningaasartuutitsinnik akiliunneqarumalluta.

Tassaniipporlu isumannaallisaanermut apeqqut. Sillimmasiisut amerlaneruppata, pitsaanerussaaq taamaasippat taava ingerlatseqatigiiffik patajaannerussaaq. Taamaattumik isumaqarluarpoq



nunarsuup sinneranik niueqarteqarnissaaq, namminersortut ingerlatsisoralugit - sanaartoqinata aningaasaajarfissatsinnik; suliffimmik nutaamik, aningaasarsiaqartillugit sulisut eqqortumik ilisimassallit aamma ilinniagallit, pequtisiortorluta, qalipaatisiortorluta, atortulersuilluta allarpassuarnillu tassunga suliffimmut, ilinniarlugulu qanoq sillimmasiisoqartarnersoq - tassani sillimmasiinernik ima amerlatigisunik allaat sillimmasiisarfimmik ingerlatsisinnaangorluta namminersortut sullitassaannik arsaartorlugit sillimmasiisusjaarutipjaarlugit ajornerpaamillu pisoqarpat immaqa allaat akiliisinnaajunnaarsilugit aamma sillimmasiisarfiup illusimavissaanik pissarsiortariaqassaagut allarpassuarnillu. Aallarniutaasumik suliat tamakku sillimmasiisarfiit isumagereernikuuaat aamma ingerlareerput kifartuussillutillu pitsaasumik.

Tamanna tunngavigalugu siunnersuutip itigartinneqarnissaa inassutigaarput.